

ԴԻԱԳՈՐՈՍ ՄԻԼՈՍԱՑԻՆ

ԴՐԱՄԱՏԻԿԱԿԱՆ ՊՕԷՄԱ

ԼԵՒՈՆ ՄԱՆՈՒԷԼԵԱՆՅԻ

Տեսարան I

Աթենքի նաւահանգիստը. ծովի վերայ երևում են
նաւեր:

ՆԱԻԱՊԵՏ (նաւաստիներին)

Վերջապէս ահա բարձրացաւ քամին.

Մենք կարող էինք հէնց այսօր և եթ

ձանապարհ ընկնէլ, բայց մի օր դարձեալ

Մենք ղեռ կը սպասենք:

(Հեռւից երևում է Դիագորոսը՝ զգեստաւորւած)

Իսկ այժմ առէ՛ք

Մի զոյգ սև ուխտար և Պոսիդոնի

Տաճարը թուրէ՛ք մատաղ անեղուն:

(Նաւաստիները հեռանում են)

ՆԱԻԱՊԵՏ, ԴԻԱԳՈՐՈՍ

ԴԻԱԳՈՐՈՍ

Ողջո՛յն, Թերաւէ՛ն:

ՆԱԽԱՊԵՏ

Դո՛ւ ես, Դիագո՛ր:

Ողջո՛յն, բարեկամ: Ապոլլոն վրկայ,
ես քեզ հողիւ հազ ճանաչեցի:

ԴԻԱԳՈՐՈՍ

Դո՛ւ,

Ազնի՛ւ բարեկամ, միակ անձըն ես
Այս երկընքի տակ, որ ինձ կարող է
Հովանաւորել: Ամբոխի ձեռքից
Հազիւ ազատւած՝ քեզ եմ ես դիմում:
Մանկութեանս անգին իմ բարեկամին:
Ապաստան տուր ինձ քո նաւի վերայ
եւ թէ սիրում ես քո բարեկամին,
Թո՛ղ զազոնի մընայ Դիագորոսի
Անուհը: Ընկե՛ր, ես աղաչում եմ:...

ՆԱԽԱՊԵՏ

Ի՛նչ գունատւել ես, ձայնըդ դողում է:
Այդ ի՛նչ ես դառել, ի՛նչ է պատահել,
Ասա՛ ինձ տեսնեմ:

ԴԻԱԳՈՐՈՍ

Գեո. ասա՛ թէ ե՛րբ

Դու պիտի դուրս գաս:

ՆԱԽԱՊԵՏ

Իսա՛, ի՞նչպէս, ինձնից
Մածո՛ւկ ես պահում վըշտիդ պատճառը:
Դու պատմի՛ր տեսնեմ թէ ինչո՛ւ այդպէս.
Գունատւել ես դու. ինչո՛ւ ես կախել
Դու քո ծընօրից քըրմական մօրուք.
Ինչո՛ւ զառամեալ ծերունու նրման
Կորացըրել ես քո ջահիլ մէջքը:

Ինչի՞ համար ես առել քո ձեռք
 Հովական երկայն այդ ցուպըն, ասա՛:
 Թէ բարեկամը դժուարանում է
 Իւր բարեկամին իւր ցաւըն յայտնել,
 Նա բարեկամ չէ:

ԴԻԱԳՈՐՈՍ

Մի՞թէ իմ մասին
 Ձեռ լրսել ուինչ:

ՆԱԻԱՊԵՏ

Ոչի՛նչ: Այսինքըն
 Ինչպէս թէ ուինչ. քո մասին ես շատ
 Բաներ եմ լրսել. բայց բոլոր լուրերն
 Իրար հակասող և ծիծաղաշարժ
 Մէկը միւսից: Խօսում են իբրև
 Դու տապալել ես սուրբ արձանները.
 Ոմանք պատմում են թէ Պոսիդոնի,
 Իսկ միւսները — թէ Հերմէսինը:
 Այդ ճի՞շդ է:

ԴԻԱԳՈՐՈՍ

Այո՛:

ՆԱԻԱՊԵՏ

Այո՛. Դիագոր,
 Անըզգո՛յն դու մարդ: Մի, քանի՛ անգամ
 ես կրկնել եմ քեզ. Թո՛ղ քո անխորհուրդ,
 Անմիտ քարոզները: Օ՛ր ի՛նչ վայրենի
 Մի ցանկութիւն է քո սըրտում վառւել —
 Խըլել մարդկանցից նոցա հաւատը:
 Է՛ր ես խորոակում դու սուրբ արձանները,
 Որոնց պաշտում է մեր ժողովուրդը:
 Ի՛նչ է քո միտքըդ, ի՛նչ է փափազըդ:

Դարձեալ պընդում եմ, որ առնըւազըն
Անմըտութիւն է, երբ ժողովըրդի
Նըւիրական, սուրբ ըզգացումները
Վիրաւորում են:

ԴԻԱԳՈՐՈՍ

Հաւատա՛, ընկե՛ր,
Ես հաշիւ չ'ունիմ Ոլիմպեանների
Եւ ոչ մէկի հետ. Զեւը և Հերան
Եւ Պոսիդոնը և Ապոլլոնը,
Եւ անմահների ամբողջ ժողովը
Թո՛ղ Ոլիմպոսի պայծառ զագաթին
Քաղցրահամ նեկտար շարունակ ըմպեն
Եւ անվիշտ, անհոգ, բարձր ծիծաղով
Ձայնակցեն մարդկանց հառաչանքներին:
Իայց թըշառ մարդըն է ողորմելի,
Իարի՛ Թերամէն: Սարսափելի է
Մարդու վիճակը, միմիայն մարդու:
Անկարող եմ ես համբերել, լլուել,
Երբ որ սա իւր զոյգ աւքերը գոցած
Ըստըրկացած է բընութեան ձեւքին,
Իմ փափագըն էր, որ մարդկութիւնը
Տէր, իշխան գառնար բընութեան վերայ,
Որ սա բարձրանար բընութեան վերայ,
Ինչպէս արծիւը երկնականմարում:
Իմ քարոզըն էր—սընապաշտութեան զէմ,
Իմ քարոզըն էր—լուսաւորութիւն:

ՆԱԻԱՊԵՏ

Դու էլ քարոզի՛ր լուսաւորութիւն,
Իայց սուրբ արձաններն ինչո՛ւ տապալել:

ԴԻԱԳՈՐՈՍ

Ե՛րբ ենք ճանապարհ ընկնում, Թերամէն:

ՆԱԽԱՊԵՏ

Ո՛չ, ո՛չ, դեռ ասա՛ թէ արձանները...

ԴԻԱԳՈՐՈՍ

Թո՛ղ այդ հարց ու փորձը, ի սէր պաշտելի
Բո ասուածներին: Գէթ առ ժամանակ
Այդ վէճը թողնենք: Դու ասա՛ տեսնեմ
Թէ երբ ենք արդեօք ճանապարհ ընկնում:

ՆԱԽԱՊԵՏ

Վա՛ղը:

ԴԻԱԳՈՐՈՍ

Վա՛ղը: Բայց ինչո՞ւ ոչ այսօր:

ՆԱԽԱՊԵՏ

Ձը գիտե՞ս ինչու:

ԴԻԱԳՈՐՈՍ

Ձը գիտեմ: Գուցէ
Բաւականաչափ ճանապարհորդներ
Դեռ էլս չունիս:

ՆԱԽԱՊԵՏ

Ո՛չ. իմ ուղածից

Դեռ աւելի են:

ԴԻԱԳՈՐՈՍ

Գուցէ խնդրել են,

Որ վաղը ելնես:

ՆԱԽԱՊԵՏ

Նոքա խնդրեցին,
Որ այսօր ելնեմ. բայց անկարող եմ:

ԴԻԱԳՈՐՈՍ

Գուցէ հողմ չը կայ:

ՆԱԻԱՊԵՏ

Խնքըդ լլսում ես
Հողմի շնչիւնը, կարծես սուլելով
Նա հրաւիրում է մեզ զէպի ծովը:

ՆԻԱԳՈՐՈՍ

Ջարմանալի է:

ՆԱԻԱՊԵՏ

Ո՛չ, մի՛ զարմանալ:
Եթէ մենք այսօր ճանապարհ ընկնենք,
Շուտով կը հասնենք անպիսի խաղաղ
Մի նաւահանգիստ, ուր ոչ խելօքը
Եւ ոչ չիմարը չեն ուզում հասնել—
Ծովի յատակը, իմ Դիագորո՛ս,
Ծովի յատակը:

ԴԻԱԳՈՐՈՍ

Այդ ե՞րբ Ապոլլոնն
Քեզ տըւեց շընորհ մարգարէութեան:
Խնձ ես կարծում...

ՆԱԻԱՊԵՏ

Դառնազին փորձով
Ես համոզւեցի—այս օրւայ օրը
Ջարաբաստիկ է իմ նաւի համար.
Թէ Պարսկաստանի ոսկեայ զահըն էլ
Խնձ ընծայ բերես, այսօր իմ նաւը
Տեղից չեմ շարժիլ:
(Հեռւից երևում է մի սիկոֆանա)

ԴԻԱԳՈՐՈՍ

Այս մարդըն անշուշտ
Խնձ է որոնում:

ԾԵՐՈՒԿ

Այո՛, կը ձրգենք...

ՆԱԽԱՊԵՏ

Սակայն թոյլ տըւէ՛ք
Երկու խօսք ասեմ, ճանապարհորդներ...
Բայց սրսս... լըսում էք, ինչպէս մըռնունում
է այնտեղ ծովը: Մենք մօտենում ենք
Այն վըրտանգաւոր ահեղ վիմուտքին,
Ուր ալիքները դարնում են ջըրից
Ֆըցւած ժայռերին և կատաղարար
Գոռում ու հեծում, ինչպէս խոցոտւած
Վիրաւոր հըսկայ: Քանի՛ցըս անգամ
Նաւերըն այնտեղ մըղւել են, զարնւել
Ուր սուր վիմերին, և ապա կըտոր
Կըտոր են եզել կայմ, թիակ և նաւ:
Է՛յ, նաւաստիներ՛ր, այժմ՝ դէպի ձախ
Թիավարեցէ՛ք, դէպի ձա՛խ, այդպէ՛ս:
Փոքըր ինչ շեղւել ենք ճանապարհից.
Դեռ շատ հեռու է նաւահանգիստը,
Դեռ շատ վիմուտքներ մենք պիտի անցնենք...
Արդէն տասը և երեք տարի է,
Ճանապարհորդներ՛ր, որ ես անդադար
Երթեկեկում եմ այս ծովի վերայ.
Ձեզ պէս յարգելի ես շատ շատերին
Իմ հաւատարիմ այս տոկուն նաւով
Տարել հասցրել եմ մինչև ցամաք,
Եւ քանի՛ անգամ պատահել է ինձ
Մարտընչել անսաստ մըրրիկների հետ.
Բայց դեռ չեմ չիշում, որ փոթորիկը
Այնքան ահուելի դառնար ինձ համար,
Որպէս այս գիշեր:
Համաձայն եմ ես այս պատկառելի
Ալեորի հետ, որ Պոսիդոնը

Ներհակած է խիստ մեզնից մէկի դէմ.
 Իայց եկէ՛ք խըմբով ջերմաջերմ աղօթք
 Մառուցանենք մեծ Ուխտեաններին:
 Գուցէ աղօթքով մեզ հնար լինի
 Հաշտեցնել բարի երկնայիններին:
 Յաճախ աղօթքը շիջեցըրել է
 Նոցա զայրոյթը, և այեկոծումն
 Անվրնաս անցել և հանդարուել է:

ԾԵՐՈՒԿ

Մենք բոլորըս էլ ջերմ, արտասագին
 Արդէն շատ երկար աղօթում էինք.
 Իայց սակայն ունայն. մեր արտասուքից
 Այս ալիքները կարծես աւելի
 Բարձրացնում էին... Ո՛հ, Պոսիդոնը
 Մեզնից պահանջում է մեղանշողին.
 Վիճակ ենք ձըգում:

ԲՈՂՈՐՆԻՍԱՆ

Վիճակ ձըգեցէ՛ք:

(Վիճակ են ձգում. վիճակը ընկնում է նաւապետին)

ԲՈՂՈՐՆԻՍԱՆ

Բա՛, նաւապետի՛ն...

ՆԱԻԱՊԵՏ

Այո՛, արդարև

Ձեր նաւապետին ընկաւ վիճակը:
 Դո՛ւ, երկրասասայն և կարո՛ղ մեր Ձեւ,
 Որ այդ բարձունքից ահեղ գոռում ես
 Իմ մեզսոտ գըլխին, և դո՛ւ, Նո՛տ, Էօ՛ւ.
 Որ շառաչում էք իմ լրսելիքին
 Կատաղի ձայնով, և դո՛ւ, Պոսիդոն,
 Որ մըռնիւնով գոռ ալիքները
 Գըլորում ես իմ այս նաւի վերայ,

Շիջեցրէ՛ք ահեղ ձեր բարկութիւնը.
 Եթէ պիղծ լեզուով կամ թէ չար դործով,
 Ասուածներ, ձեր դէմ մեղանել կամ ես,
 Ես իսկոյն և եթ կը քաւեմ ահա
 Մանրը իմ մեղքերն. բայց միայն շուտով
 Թո՛ղ խաղաղանան այս կոհակները,
 Թո՛ղ լլուեն հողմերն, և երկընքիցը
 Թո՛ղ շուտով ցըրեն սևացած թխպերն:
 Դո՛ւք իմ պատարժան ճանապարհորդներ,
 Գընացէ՛ք բարով: Ասուածները տան,
 Որ դուք յաջողակ անվընաս հասնէք
 Նաւահանգիստը: Իսկ ես... կը մեռնեմ.
 Ձեր փրկութիւնը իմ մահւանից է
 Միմիայն կախած: Այսպէս է կամքը
 Երկնայինների:

1-ին ՃԱՆԱՊԱՐՀՈՐԴ

Իսկ մեղանից ո՛վ
 Կը կաւաւարէ այս մեր նաւակը:

ՆԱԻԱՊԵՏՆԵՐ

Մե՛նք, մե՛նք կը վարենք:

ՆԱԻԱՊԵՏ

Իարի ասուածներն
 Կը կաւաւարեն. ծով նետուեմ թէ չէ,
 Ապրստամբ տարրերն կը հանգստանան,
 Կը պարզւի երկինքն, և ցոլուն աստղերն
 Ցոյց կը տան ձեզ հարթ, անվընաս ուղին: (Դիագորոսին)
 Իմ մօր, իմ կընոջ, իմ զաւակներին
 Իմ վերջին բարոյն կը տանես ինձնից:
 Դէ՛, մընա՛ք բարով:

(Կամենում է իրան նետել ծովը, Դիագորոսը աւաջն է
 ընկնում և պահում):

ԳԻԱԳՈՐՈՍ

Ո՛չ, դու չե՛ս մեռնիլ:
 Խելացա՛ծ, թըշւա՛ռ ծանապարհորդներ,
 Ինչո՞ւ կուրօրէն կամենում էք դուք
 Այն մարդուն խեղդել, որ մեր բոլորից
 Ամենաշատուն է մեզ պիտանի
 Այս դժգոհ ժամին: Եթէ սա ինքը
 Իւր յօժար կամքով այս ծովը նետել
 Իրան ցանկանար, դուք սորան ուժով
 Պիտի պահէիք և թախանձանքով
 Խընդրէիք սորան, որ ձեզ չը թողնէր
 Անտէրունչ, լըքեալ այս ծովի վերայ
 Այսքան ահուելի փոթորիկ ժամին.
 Դուք սորան փըրկիլ պիտի համարէք
 Եւ ամուր բըռնէք սորա թևերից,
 Բայց ոչ թէ խեղճին խեղդամահ անէ՞ք:
 Ասացէ՛ք, ձեր մէջ ո՞վ է սորանից
 Առաւել հմուտա նաւավարութեան
 Արհեստում կամ ո՞վ աւելի ճարպիկ.
 Ո՞ւմ են աւելի քաջապէս յայանի
 Մեր առաջ ընկած խոչընդոտները—
 Զորապըտոյտներ, սոսկալի յորձանք,
 Մըռընչող վիմուտք և կամ ձանձաղուտ
 Խարուսիկ վայրեր:
 Դուք հաւատացիք ձրգած վիճակին,
 Բայց այդ վիճակը անխորհուրդ, անմիտ,
 Պատահական է: Զրգեցէ՛ք նորից,—
 Այլ մարդու կ'ընկնէ: Մեր նաւապետին
 Արդէն մանկութեան հասակից դիտեմ.
 Սորա սըրտումը վառ է միշտ եղել
 Պատկառանք, երկիւղ զէպի աստուածներ.
 Հազիւ թէ նաւը գալիս մըտնում է
 Նաւահանգիստը, առաջին խօսքը,
 Որ զուրս է ելնում սորա բերանից,

Ննորհակալական ջերմ ազօթքն է
 Մեծ Պոսիդոնին. և ապա իսկոյն
 Ըշտապ գընում է նորա տաճարը
 Եւ մատուցանում գերընտիր զոհեր
 Ովկիանոսների հրամանատարին:
 Ո՛հ, Պոսիդոնը չէ՛ր կարող երբէք
 Զայրանալ բարի նաւապետի դէմ:
 Զեզ պէտք է մի մարդ, որ՝ կռոււ մըտած
 Ի՛նչութեան ըմբոստ այս տարրերքի հետ,
 Յաղթանակ տանէր, որպէս քաջ, արի
 Զինուորը մարտից: Ահա այդ մարդը:
 Զեր փըրկութիւնը սորա կեանքի մէջ
 Դուք որոնեցէ՛ք, իսկ սորա մահից
 Կամ Պոսիդոնից փըրկութիւն չը կայ:

1-ին ՃԱՆԱՊԱՐՀՈՐԴ

Ի՜նչպէս...

2-րդ ՃԱՆԱՊԱՐՀՈՐԴ

Ի՞նչ, ասաց. թէ Պոսիդոնից
 Փըրկութի՞ւն չը կայ: Սա անասուած է:
 Սա այն սըրբապիղծ Դիագորոսի
 Աշակերտն է: Ճանապարհորդնե՛ր,
 Այլ և ըս ո՞ւր ենք մենք հեռու գընում:
 Ահա՛ թէ ում դէմ է Պոսիդոնը
 Զայրացած. ահա՛ այն ամբարիշտը:
 Ծովը նետեցէ՛ք այս անիրաւին:

3-րդ ՃԱՆԱՊԱՐՀՈՐԴ

Բայց մեր վիճակը...

4-րդ ՃԱՆԱՊԱՐՀՈՐԴ

Այո՛, ում ընկաւ
 Վիճակը, թո՛ղ նա իրան ջուր նետէ:

1-ին ձԱՆԱՊԱՐՀՈՐԴ

Թո՛ղ երկուսըն էլ զոհ գընան ծովին:

2-րդ ձԱՆԱՊԱՐՀՈՐԴ

Այո՛, երկուսին էլ ծովը ձգենք:

ԾԱՆՈԹԻԿ

Բայց ըսպասեցէ՛ք: Դու ի՞նչ ասացիր.
Թէ Պոսիդոնից փրկութի՞ւն չը կայ:
Ինչպէս տեսնում եմ, դու նոցանից ես,
Որ իրանց կոչում են իմաստասէր,
Որոնք պիղծ սըրտում սընուցանում են
Մոլի խորհուրդներ և մեր միամիտ
Պատանիներին ջանում են շեղել
Ճըջմարտութեան հարթ ճանապարհիցը:
Հասարակութեան գայթակղեցուցիչ
Նենգամի՛տ մարդիկ, թոյնի կաթիլներ,
Վարակիչ ժանտախտ Աթենքի համար:
Անունըդ ասա՛. ես ահա արդէն
Նախաըզգում եմ թէ ի՞նչ գարշ հընչիւն
Մենք պիտի լըսենք:

1-ին ձԱՆԱՊԱՐՀՈՐԴ

Անո՛ւնըդ ասա՛:

ԴԻԱԳՈՐՈՍ

Ուղեկիցներըս...

2-րդ ձԱՆԱՊԱՐՀՈՐԴ

Անունըդ ասա՛:

ԴԻԱԳՈՐՈՍ

Ճանապարհորդներ՛ր, դուք ի՞նչ էք անում
Արդեօք անունըս. դիցուք կոչում են
Դե՛ս Կալլիմախոս կամ թէ Գորգիաս...

ԾԵՐՈՒԿ

Ապա դո՛ւ ուրեմն, նաւապե՛տ, ասա՛
Սորա անու՛նը, որովհետեւ դուք
Դեռ Լըս մանուկ հասակից իրար
Լաւ ճանաչում էք: Աւելի Լըս
Կասկածելի է թըւում այս մարդը,
Երբ ծածկում է սա իսկական անու՛նը:

ՆԱԻԱՊԵՏ

Կեֆիսոֆոն է սորա անու՛նը.
Այժմ զո՛հ էք դուք իմ պառասխանից:

ԾԵՐՈՒԿ

Ճանապարհորդնե՛ր, սոքա սըտում են.
Այս երկուսին էլ ծովը ձըգեցէ՛ք.
Մեր նաւապետին—վիճակի համար,
Որան—սըրբապիղծ չար լեզւի համար:
Բըռնեցէ՛ք դոցա Լ ծովը...

ԲՈԼՈՐԵՔԵԱՆ

Ձըգե՛նք: (չարձակում են)

ԴԻԱԳՈՐՈՍ

Բայց ըսպասեցէ՛ք, աղաչում եմ ես.
Ինձ միջոց տըւէ՛ք երկու խօսք ասեմ.
Ես խոստանում եմ յայտնել բոլորը
Ինչ կամենում էք, դեռ անելի շատ:
Բայց դարձեալ կըրկնում եմ—նաւապետին
Դուք հանգիստ թողէ՛ք: Մի՞թէ այս կանանց
Ողբըն ու կոծը Լ մանուկների
Այս աղէկըտուր հաւաւանքները
Ձեր բիրտ սըրտերը չե՛ն շարժում բընաւ:
Թէ իըղճում էք դուք ձեր կանանց Լ հէզ
Ձեր վաւականերին: Եթէ ձեր կեանքը
Թանկ է ձեզ համար, ձեր նաւապետին

Կենդանի թողէք, որ միակ, միակ
 Ձեր ազատիչը կարող է լինել:
 Իսկ ես... կը խեղդւեմ, եթէ անպատճառ
 Զոհ էք պահանջում:

Իմացէ՛ք ուրեմն,
 Ճանապարհորդներ. ձեր առջև կանգնած՝
 Այժըմ խօսում է նա, որի կեանքը
 Մեր Աթենքումը գընահատւած է
 Մի տաղանգ ոսկով: Նա եմ ես, որ նախ
 Մատաղ հասակում հաւատում էր ջերմ,
 Ինչպէս այժըմ դուք, դիցաբանական
 Առասպելներին. բայց երբ զօրացայ
 Ես հոգով մըտքով, մարդկային կեանքի
 Ճակատամարտում տեսայ հրէշաւոր
 Անարդարութիւն, ճընշւած և հեծող
 Առաքինութիւն, անպատիժ չարիք
 Եւ լրկոյի գործեր, — բայց Պոսիդոնի
 Կամ թէ «մեծ Զևսի» ներկայութիւնը
 Զը տեսայ կեանքում: Եւ այնուհետեւ
 Հրապարակներում և փողոցներում
 Ես ըսկըսեցի քարոզել մարդկանց
 Աննապաշտութեան, տըգիտութեան դէմ,
 Միակ ցանկութիւն փարելով իմ մէջ,
 Որ այսուհետև մարդը բարձրանար
 Անցեալի վերայ և, ինչպէս արծիւ
 Երկնականմարում, անվախ, աչքաբաց
 Նայէր աշխարհի, բընութեան վերայ:
 Բայց ուղիղ այնպէս, որպէս այս մըրրիկ
 Եւ փոթորիկը, վերկացաւ իմ դէմ
 Յունական ազգը և՛ իմ քարոզը
 Կուէլով մոլի սըրբապղծութիւն,
 Իմ գըլխի համար մի տաղանգ ոսկի
 Գին նըշանակեց: Ես որոշեցի
 Իոյս տալ անարդար հալածանքներից:

Բայց ազատւելով խուժանի ձեռքից
 ծամաքի վերայ, այս ծովի վերայ
 Ես հանդիպեցի աւելի ևւա
 Անողորբելի, կոպիտ զօրութեան
 Եւ այդ բիրտ ուժը—ձեր պահանջըն է,
 Որ այս խաւարից հազարապատիկ
 Աւելի մոռթ է և կըրկնապատիկ
 Աւելի վայրագ, քան այս հողմերը
 Եւ ալիքները, ես Դիագորոսն
 Եմ Միլոսացին. թո՛ղ Յունաստանը
 Իմ մասին խօսէ թէ այն ամբարիշտ
 Դիագորոսը չը գըտաւ հանգիստ
 Երկընքի տակը,
 Մըշտընջենաւոր նա հանգիստ ընտրեց—
 Ծովի յատակը:

(Ուրան նետում է ծովը):

Էջմիածին, 1891 թ. նոյեմբեր: